

ՈՐ ՄԻՈՒԹՅԱՆ ՄԱՍԻՆ ԵՆՔ ԽՈՍՈՒՄ

## Ա. Օրգանական միության մոդելը

3 Միջեկեղեցական հարաբերությունների պարամոթյունը փնս Peter Neuner, Ökumene und Theologie. Die Suche nach der Einheit der christlichen Kirchen, Darmstadt, 1997; Hansfried Krüger u.a. (Hg.), Ökumene-Lexikon. Ein Handbuch der Ökumene, Frankfurt, 2. Aufl.; Միջեկեղեցական համագործակցության ընթացքում առաջացած փաստաթղթերը փնս Doku-mente wachsender Übereinstimmung. Sämtliche Berichte und Konsentexte interkonfessioneller Gespräche auf Weltebene, hg. und eingeleitet von Harding Meyer, Damaskinos Papandreou, Hans Jörg Urban, Lukas Vischer, Bd. 1-3, Frankfurt a. Mein, 1991-2004:



### 1. Առանձնահատկությունը

«Օրգանական» կամ «Կորպորատիվ» միության մոդելը համարվում է ամենահին եկեղեցական միության մոդելը: Այսպիսի միության գաղափարը առաջացել է Անգլիկան Եկեղեցու ծոցում: Կարելի է ասել, որ Եկեղեցիների համաշխարհային խորհուրդը մինչև 20-րդ դարի 70-ական թվականները նախընտրում էր այս մոդելը<sup>4</sup>: Ըստ Անգլիկան Եկեղեցու՝ գոյություն ունի միայն մի Եկեղեցի, որը սակայն, փարածքայնորեն բաժանված է: Մի փարածքում զանազան եկեղեցիների կամ եկեղեցանման համայնքների փոխարեն պետք է գոյություն ունենա միայն մի Եկեղեցի: Այսինքն՝ փարբեր դավանանքներ ունեցող եկեղեցիները պետք է միավորվեն՝ թողնելով իրենց դավանաբանական առանձնահատկությունները: Նրանք, ձուլվելով իրար, կստանան նոր անուն եւ նոր դեմք:

1970 թ. Քենիայի Լիմուռու բաղաբում կայացած Եկեղեցիների համաշխարհային խորհրդի «Նավարք եւ կարգ» հանձնախմբի կողմից կազմակերպված խորհրդակցության ընթացքում օրգանական միություն կազմելու համար անհրաժեշտ պայմանները շարադրվում են հետևյալ կերպ.

«Օրգանական միություն ստեղծելու համար պետք է իրականացվեն հետևյալ պայմանները. մեկ ընդհանուր հավաքի հիմք, մեկ ընդհանուր անուն, ամբողջական կապվածություն միմյանց հետ, ինչպես նաեւ սեփական ինքնությունը կորցնելու պարտապահություն եւ, ի վերջո, միասնաբար որոշում կայացնելու հնարավորություն, իսկ առաքելության պարզամը պետք է պայմաններին համապատասխան միասնաբար կատարել»<sup>5</sup>:

### 2. Բաղադրիչներ

#### Վերլուծենք վերոնշյալ բաղադրիչները

ա. Դավանաբանական միություն - նոր եկեղեցու անդամների համար պարտադիր հավաքի հանգանակի առկայությունն է, որը պետք է գրված լինի նոր եւ հասկանալի լեզվով: Լիմուռուի փաստաթղթում նշվում է, որ նորակազմ եկեղեցին պետք է փորձի Ավետարանը մեկնաբանել աստվածաբանական նոր վերլուծությամբ, որը կողմնորոշվում է միջեկեղեցական շարժումով եւ աշխարհի ներկա վիճակով<sup>6</sup>:

բ. Միասնական ղեկավարություն - Օրգանական միության անհրաժեշտ մասերից է: Այն ապահովում է միավորված եկեղեցիների կայացրած որոշումների միասնականությունը, օրինակ՝ Գերագույն Սինոդի միջոցով: Սրան կից կարող են լինել փարածքային կամ տեղական սինոդներ:

գ. Միօրինակ նվիրապետություն - անհրաժեշտ է այնպիսի մի նվիրապետական աստիճան ունենալ, որը ճանաչված լինի որպես ամբողջ եկեղեցու հեղինակությունը վայելող

4 Lothar Lies, Grundkurs ökumenische Theologie. Von der Spaltung zur Versöhnung. Modelle kirchlicher Einheit. Innsbruck / Wien, 2005, էջ 205:

5 Georg Hintzen / Wolfgang Thönissen, Kirchengemeinschaft möglich. Einheitsverständnis und Einheitskonzepte in der Diskussion, Paderborn, 2001, էջ 21:

6 Stén Georg Hintzen / Wolfgang Thönissen, Kirchengemeinschaft möglich. Einheitsverständnis und Einheitskonzepte in der Diskussion, Paderborn, 2001, էջ 22:



ողակ: Նվիրապետական աստիճանը ամբողջ մարմնի մի մասն է, որպեսզի ներկայացված են միացյալ եկեղեցիները: Այսպիսով՝ մի եկեղեցում գոյություն ունի միայն մեկ նվիրապետական աստիճան, եւ այդ աստիճանը միայն մի տեսք ունի: Միացյալ եկեղեցիները կարող են ինքնուրույն որոշել, թե նվիրապետության ո՞ր տեսակն են նախընտրում՝ եպիսկոպոսական, թե՛ երիցական:

դ. Միություն վկայության եւ ծառայության մեջ - միացյալ եկեղեցիների ցանկություններին մեկն է: Սրանից ելնելով միացյալ եկեղեցիները պարտադրված են միասնաբար կատարել իրենց առաքելությունը:

ե. Միասնական մեկ կառուցվածք - քանի որ միացյալ եկեղեցիներն իրենց վկայությունը միասնական ծառայությամբ են կատարելու, ապա հարկավոր է նոր եկեղեցու միասնական մի կառուցվածք: Այսինքն՝ հին կառուցվածքների փոխարեն պետք է ստեղծվի մի նոր կառույց:

զ. Այլադավանություն - միացյալ նոր եկեղեցու մեջ այլադավանություն չի կարող լինել: Այսպիսով՝ նորակազմ եկեղեցիները վերդավանական (transconfessional) եկեղեցիներ են:

### 3. Իրական վերդավանական եկեղեցիներ

Անգլիկան եկեղեցու այս գաղափարը միայն գաղափար չմնաց: Ներկայումս գոյություն ունեն հերեւյալ վերդավանական եկեղեցիները:

Կանադայի Միացյալ Եկեղեցի - հիմնադրվել է 1925 թ.: Այս եկեղեցու անդամներ դարձան բարեփոխված կալվինիստները, երիցական կազմակերպությունները եւ մեթոդիստները:

1927 թ. հիմնադրվել է չինական միացյալ եկեղեցին՝ «Քրիստոսի Եկեղեցին Չինաստանում» անունով: Այսպեսզի համախմբվեցին Ռեֆորմատորները (կալվինական եւ երիցական), մկրտչականները, մեթոդիստները եւ «Եղբայր ունիաթները»:

1941 թ. հիմնադրվել է Քրիստոսի Եկեղեցին Ճապոնիայում: Այսպեսզի միանում են խմբեր՝ բարեփոխված կալվինականներից եւ երիցականներից, «Քրիստոսի աշակերտներ»-ից եւ մկրտչականներից:

1947 թ. հիմնադրվում է Նարավային Նոդկաստանի Եկեղեցին: Սրա կազմի մեջ են մտնում անգլիկանները, ռեֆորմացվածները (կալվինիստները, երիցականները եւ մեթոդիստները):

1948 թ. հիմնադրվում է Ֆիլիպինների Քրիստոսի Միացյալ Եկեղեցին, որի կազմի մեջ են մտնում բարեփոխված կալվինիստներն ու երիցականները, մեթոդիստները, «Եղբայր ունիաթները» եւ «Քրիստոսի աշակերտները»:

1970 թ. հիմնադրվում է Պակիստանի Եկեղեցին, որի կազմի մեջ մտնում են այն նույն կրոնական կազմակերպությունները, որոնք միություն էին կազմել Ֆիլիպիններում:

1970 թ. հիմնադրվում է նաեւ Նյուսիսային Նոդկաստանի Եկեղեցին, որի կազմի մեջ են մտնում Անգլիկանները, Բապտիստները, «Քրիստոսի աշակերտները», մեթոդիստները, բարեփոխված կալվինիստներն ու երիցականները, ինչպես նաեւ «Եղբայր ունիաթները»:



#### 4. Գնահատում<sup>7</sup>

Այսպես անհրաժեշտ է նշել, որ այս միություններից հեռու մնացին անգամ լյութերականները: Բացի վերոհիշյալ միացյալ եկեղեցիները երբեիցե միակը չեղան փվյալ փարածքում: Նրանք անդամակցում են եկեղեցիների համաշխարհային խորհրդին եւ համագործակցում եկեղեցանման համայնքների հետ: Բավական դժվարանում են նրանց հարաբերություններն իրենց մայր եկեղեցիների հետ՝ անգլիկանների եւ ռեֆորմապորների հետ: Եթե անգամ անտեսենք վերոհիշյալ դժվարությունները, ապա ծագում է հետեւյալ հարցը. որքանո՞վ է այսպիսի միության մոդելն իրեն արդարացնում: Այնպես, որպեսզի անգլիկանները մասնակից էին դառնում միությանը, դժվարություններ էին առաջանում եկեղեցու նվիրապետական աստիճանը որոշելու պարագայում:

Բավական հետաքրքիր որոշում կայացվեց Նարավային Նոդկասարանում: Միության անդամները պայմանավորվեցին ճանաչել առանց ձեռնադրության հոգեւորականի պաշտոն կատարողներին եւ նույնիսկ համաձայնեցին նրանց չձեռնադրել այն պայմանով, որ նոր եկեղեցու հիմնադրումից հետո ձեռնադրությունը նվիրապետական աստիճան ստանալու համար այլեւս անհրաժեշտ պայման լինի: Միեւնույն ժամանակ ոչ մի բացառություն չկա եպիսկոպոսական աստիճանի վերաբերյալ, յուրաքանչյուրն ազատ է այն ըմբռնելու իրեն հարմար կերպով<sup>8</sup>:

Օրգանական Միության վերդավանական եկեղեցիները վստահ են, որ եկեղեցուն գոյություն ունեն խորհուրդներ (Մկրտություն եւ Նադորդություն), եւ որ եկեղեցին նվիրապետական աստիճանների կարիք ունի: Սակայն կարեւորագույն հարցերը, թե, ինչպե՞ս են աստվածաբանորեն մեկնաբանվում խորհուրդները կամ ինչպիսին պետք է լինի նվիրապետական աստիճանը (երիցական կամ եպիսկոպոսական), այսպեսզի գիտակցաբար բաց են թողնվում:

#### Բ. Պայմանավորվածությամբ հաստատված եկեղեցական միության մոդելը

##### 1. Յուրահապկություն

Բողոքական եկեղեցիներից եկած մեկ այլ մոդել այսօր հայտնի է «Նամաձայնեցված Տարբերություն» (գերմ. Versehnte Verschiedenheit) անվան փակ: 1977թ. Թանգանիայի Դար էս Սալամ քաղաքում կայացած Լյութերական դաշինքի համագումարում վերոհիշյալ միության մոդելը հայտարարվեց իբրեւ սույն կազմակերպության նմուշ-մոդելը: Գլխավոր գաղափարն այն է, որ միություն կամեցող եկեղեցիները պահպանում են իրենց յուրահատուկ դավանանքը, որպեսզի հնարավոր լինի սեփական հավատի պարմությունը մեկնաբանել իբրեւ փրկության յուրահատուկ պարմություն: Դավանանքը կամ յուրահատուկ հավատքի հանգանակը վերանորոգման կարիք չունի, ինչպես Օրգանական միության պարագային: Այսպիսով՝ ըստ Լութերական գաղափարախոսության միայն «Նամաձայնեցված փոփոխությունը» կարող է բերել եկեղեցիների միության:

7 Մանրամասնորեն փնէս Georg Hintzen / Wolfgang Thönissen, op. cit., էջ 27-29:

8 Տե՛ս ակո, էջ 30:



Այդ փեսանկյունից ելնելով՝ կարելի է նշել, որ.

ա. Միության եկեղեցիները պաշտոնապես ճանաչում են միմյանց՝ իբրեւ եկեղեցիներ: Այսպեղ աչքի է ընկնում այն հանգամաքը, որ այլեւս նոր ինքնություն հիմնելու կարիքը չկա:

բ. Միության եկեղեցիները ճանաչում են նվիրապետական աստիճանները: Այսպեղ չի սպեղծվում բոլոր եկեղեցիների համար ընդհանուր մի նվիրապետական աստիճան:

գ. Միության եկեղեցիները հաղորդակից են միմյանց աստվածապաշտական արարողություններին (ժամերգություն, պատարագ, ծես եւ այլն) եւ խորհուրդներին (communicatio in sacris): Եւ մեկ ընդհանուր դավանաբանության կարիք չկա:

դ. Միության եկեղեցիները համագործակցում են եկեղեցական կյանքի բոլոր դրվագներում:

«Նամաձայնեցվաժ քարբերություններ» - մոդելի գաղափարախոսությունն արտահայտում է «Դիֆերենցիալ փոխհամաձայնության» (գերմ. Differenzierter Konsens) միքքը, որն ասում է, թէ կոնսենսուսը եւ դիֆերենցիան միեւնույն մակարդակի վրա չեն գտնվում: Այսինքն՝ այն, ինչ ընդհանուր կամ միասնական է (համաձայնեցվաժը), գտնվում է մի այլ մակարդակի վրա, քան այն, ինչ քարբեր է: Սակայն «դիֆերենցիալ փոխհամաձայնության» պարագային քարբերությունները պեք է վերաբերեն ընդհանուրին, որպեսզի քարբերություններն այլեւս բաժանողի քապվորություն չթողնեն կամ բաժանող լինեն, այսինքն՝ անգամ քարբերության մեջ պեք է ընդհանուր կեքեր գտնել:

«Դիֆերենցիալ փոխհամաձայնության» պարագային կարիք չկա նոր դավանանքի: Միության եկեղեցիները պեք է փորձեն առկա յուրահաքուկ դավանանքներն աստվածաբանորեն մեկնաբանել այնպես, որ նրանք այլեւս մեկը մյուսին չհակասեն: Միեւնույն ժամանակ յուրաքանչյուր համայնք իր հավաքի հանգանակի մեջ պեք է կարողանա ճանաչել իր յուրահաքությունը: Այն եկեղեցանման համայնքները, որոնց համար Նաղորդության խորհուրդը կենքրոնական դեր չի խաղում, կարող են սահմանափակ միություն հասքաքել միմյանց միջեւ, որը միմյանց խորհուրդները ճանաչում է, իսկ նվիրապետությունը՝ ոչ:

## 2. Եկեղեցիներ, որոնք միություն են հասքաքել պայմանավորվաժությամք

ա. Առաջին այսալիսի միությունը հիմնադրվեց **Լոյենբերգյան համաձայնագրի** միջոցով 1973 թ. եւ կոչվեց Լոյենբերգյան միություն<sup>9</sup>: Նրանում ընդգրկվաժ են ներկայիս Երոպայի 105 բողոքական եկեղեցիներ՝ ռեֆորմաքորներ, լյութերականներ եւ միացյալ եկեղեցիներ, վալդենեգացիները եւ Բոհեմյան եղքայրները, ինչպես նաեւ 1994-ից՝ մեթոդիստները<sup>10</sup>: ԵԱԵՄ-ի անդամ եկեղեցիները ճանաչում են միմյանց նվիրապետական կառուցվաժքը եւ կաքարվաժ խորհուրդները:

բ. 1988թ. Մայսեն քաղաքում պայմանագիր է կնքվում (Մայսենյան պայմանագիր)

9 Վերջերս այս անումը փոխվեց եւ ներկայումս կոչվում է «Երոպական Ավեքարանչական Եկեղեցիների միություն»:

10 Նամաձայնագրի քեքսքը քե՛ս Dokumente wachsender Ubereinstimmung. Sämtliche Berichte und Konsenstexte interkonfessioneller Gespräche auf Weltebene. Band III: 1990-2001. Hg. u. eingel. H. Meyer u.a.. Paderborn 2003 (= DvÜ 3), 724-731:



Գերմանիայի Ավետարանական Եկեղեցու և Անգլիայի Եկեղեցու միջև: Այս եկեղեցիները ճանաչում են միմյանց իբրև եկեղեցիներ, նաև ճանաչում են Նաղորդության խորհուրդը, սակայն չեն ընդունում միմյանց նվիրապետական աստիճանները: Քանի որ Անգլիկան Եկեղեցին եպիսկոպոսական աստիճանից չի ցանկանում հրաժարվել, իսկ ավետարանական եկեղեցիներն այն չեն ընդունում, ապա այս եկեղեցիների միջև համապաշտամունք (intercelebratio) չի կարող տեղի ունենալ:

գ. Երրորդ միությունը հիմնադրվում է 1992 թ. Ֆինլանդական Փորվու քաղաքում ստորագրված պայմանագրի հիման վրա (Փորվուի պայմանագիր): Պայմանագրի համաձայն միության մեջ են մտնում Բրիտանական կղզու, Բալթիկայի և Սկանդինավիայի Անգլիկան և Լյութերական եկեղեցիները: Նրանք ճանաչում են ինչպես միմյանց խորհուրդները, այնպես էլ նվիրապետական աստիճանները<sup>11</sup>:

դ. 1997 թ. Եւրոպայի Լոյենբերգյան Միությանը համապատասխանող միությունը Նյուսիսային Ամերիկայում կոչվում է Formula of Agreement: Այս համաձայնության միջոցով հաստատվում է լիարժեք միություն Ամերիկայի Ավետարանական-Լյութերական եկեղեցանման համայնքի, ԱՄՆ-ի Երիցականները, Ամերիկայի Ռեֆորմատոր եկեղեցանման համայնքների և «Քրիստոսի միացյալ Եկեղեցիներ» եկեղեցանման համայնքի միջև: 1999 թ. Ամերիկայի Ավետարանական-Լյութերական միությունը լիարժեք միություն է հաստատում նաև Ամերիկայի «Եղբայր Ունիտարների» հետ<sup>12</sup>:

ե. Նույն 1997 թ. պայմանագիր է կնքվում նաև Կանադայի Անգլիկան Եկեղեցու և Կանադայի Ավետարանական-Լյութերական եկեղեցանման համայնքի միջև՝ Վարերլու քաղաքում, որի համաձայն վերոհիշյալ եկեղեցիները լիարժեք միություն են հաստատում միմյանց միջև:

### 3. Գնահատում<sup>13</sup>

Այս մոդելի յուրահապկություններից մեկն այն է, որ սահմանված չէ, թե ինչպե՞ս պետք է հասկանալ եկեղեցու միությունը, հապկապես, երբ նկարի ունենանք Նաղորդության խորհրդի մեկնաբանությունը կամ նվիրապետական աստիճանների կառույցների հարցը: Չնայած այս յուրահապկությունը բողոքական եկեղեցիների կողմից դրական է համարվում, սակայն, այս մոդելը մնում է ինչպես կաթոլիկ, այնպես էլ ուղղափառ եկեղեցիների համար անընդունելի:

Նարց է առաջանում՝ որքանո՞վ են համաձայնեցված տարբերությունները: Ավելի հասկանալի լինելու համար կարելի է կենտրոնանալ Լոյենբերգյան համաձայնագրում՝ Նաղորդության խորհուրդի մեկնաբանության վրա: Այսպես փորձ է արվում վեճի պատճառ դարձած հարցերը ոչ թե լուծելու, այլ այնպես լուսաբանելու, որ վիճող կողմերի համար տարբեր

11 Պայմանագրի տեքստը տես Dokumente wachsender Übereinstimmung. Sämtliche Berichte und Konsens-texte interkonfessioneller Gespräche auf Weltebene. Band III: 1990-2001. Hg. u. eingel. H. Meyer u.a., Paderborn 2003 (= DwÜ 3), 774f:

12 Մանրամասները տես Georg Hintzen / Wolfgang Thönissen, op. Cit., էջ 39-41:

13 Մանրամասն տես Harding Meyer, Versehnte Verschiedenheit, Aufsätze zur ökumenischen Theologie, Bd. I und II., Frankfurt a. Main, 1998, 2000:



բանաձեւերը դժկարություն չներկայացնեն: Օրինակ՝ ասվում է. «Խորհրդավոր ընթերիքով հարուցյալ Զրիստոսը նվիրում է ընծաներ՝ վերակոչյալ Հացի եւ Գինու միջոցով՝ բոլորի համար զոհաբերած Իր Մարմինն ու Արյունը: Այսպիսով՝ նա փալիս է Իր անձն առանց խորականության բոլոր նրանց, ովքեր ընդունում են Հացն ու Գինին: Հավաքքը ճաշակում է փրկություն, անհավաքությունը՝ դատապարտություն» (Տե՛ս Լոյենբերգյան համաձայնագիր III., Nr. 18 հմմտ. նաեւ II, Nr. 15): Ակնհայտ է, որ այսպեղ բացակայում է ինչպե՛ս հարցի պարասխանը, ինչը, սակայն, կարելու է, եթե բանակցությունները վարվեն կաթուղիկ կամ ողղափառ եկեղեցիների հետ:

#### Գ. Կաթուղիկյան առաջարկներ<sup>14</sup>

Խոսելով կաթուղիկյան առաջարկների մասին՝ անհրաժեշտ է նախ նշել, որ Կաթուղիկ եկեղեցին չի ներկայացնում որեւիցե հարուկ միության մոդել: Իսկ «mortalium animos»-ի առաջարկած ապաշխարության եւ դարձի մոդելը գոնե եւրոպական երկրներում այլեւս արդիական չէ եւ շատ եկեղեցիների ու եկեղեցանման համայնքների համար անընդունելի է: Վարիկանի Բ Ժողովը եւ Էկումենիկ Դիրեկտորիաները (ղեկավարությունները) նույնպես ոչ մի մասնավոր առաջարկ չարեցին, սակայն նշեցին եկեղեցական միության համար կարելու որոշ կետեր եւ մեթոդական մոտեցման սկզբունքներ: Այդ սկզբունքներից կարելու ազդույն է Հռոմի Պապի դերը, որը ներկայացվում է իբրեւ բոլոր փեղական եկեղեցիների նախագահ<sup>15</sup>:

Հռոմի Կաթուղիկ Եկեղեցու միության սկզբունքը ներկայացված է ընդհանուր առմամբ «Lumen gentium» (LG) Եկեղեցու մասին Հրամանակարգ սահմանադրության մեջ: Այս սկզբունքը կիրառվեց 1983թ. Հռոմի Կաթուղիկ Եկեղեցու կանոնադրության մեջ:

#### 1. «Ecclesiae particulares» մոդելը

ա. «Ecclesiae particulares»՝ իբրեւ Տեղական Եկեղեցի (թեմ)

Վերոհիշյալ մոդելը կարելի է ճիշտ հասկանալ՝ ելնելով եպիսկոպոսական այն ըմբռնումից, որը ներկայացվեց եւ ընդունվեց Վարիկանի Բ Ժողովի կողմից: Ըստ այդմ, եպիսկոպոսական ձեռնադրության միջոցով նվիրապետության բոլոր եպիսկոպոս անդամները, որոնք հավաքված են երեւելի մեկ Գլխի ներքո, որը Հռոմի Պապն է, փոխանցում են յուրաքանչյուր եպիսկոպոսին Զրիստոսի ծառայության երեք շնորհները՝ Հովվական, Վարդապետական եւ Քահանայապետական: Եպիսկոպոսական նվիրապետական կարգը (որի միությունը, ինչպես ասացինք, երեւում է Հռոմի Պապի անձում), ցույց է փալիս փարբեր մաս կազմող եկեղեցիների միությունը, քանի որ այդ եկեղեցիների նախագահներն հենց եպիսկոպոսներն են: Այսպիսով փեսանելի է դառնում նաեւ այդ եկեղեցիներին պարկանող հավաքացյալների միությունը (LG 23):

<sup>14</sup> Մանրամասները փե՛ս Wolfgang Thönissen, in Georg Hintzen / Wolfgang Thönissen, op. cit., էջ 73-125:

<sup>15</sup> Այսպեղ պետք է նշել, որ հանգուցյալ Հովհաննես Պողոս Բ Պապի նման ներկայիս Բենեդիկտոս ԺԶ Պապը պարտասու է Պապի աստիճանը եւ նրա նշանակությունը վերանայող բանակցությունների: Այս պարագան բավականին կարելու է, եւ այդպիսի մի հնարավորություն չպետք է բաց թողնվի:



բ. «Ecclesiae particulares» եւ «Եկեղեցանման միություններ»

Վատիկանի Բ Ժողովի «Unitatis redintegratio» դեկրետը նշում է, որ Ընդհանրական Եկեղեցին թույլ է տալիս փարբեր կերպ պայմանավորված րեղական եւ կաթոլիկ եկեղեցու մաս կազմող եկեղեցիների գոյությունը<sup>16</sup>: Սակայն «ecclesiae particulares» մոդելը փարբերվում է «եկեղեցանման միություններ» մոդելից նրանով, որ Վատիկանի Բ Ժողովը բոլորին, որոնք իրենք իրենց եկեղեցի են կոչում, եկեղեցի չի անվանում: Նա փարբերություն է դնում «եկեղեցի» եւ «եկեղեցանման միություն» հասկացությունների միջեւ: «Եկեղեցիներ» են կոչվում կաթոլիկ եկեղեցու մաս կազմող եւ րեղական եկեղեցիները: Իսկ եկեղեցանման միություն են կոչվում Ռեֆորմացիայից հետո առաջացած կրոնական խմբերն ու միությունները: Կաթոլիկ Եկեղեցին փարբերում է նաեւ Տոմի հետ միության մեջ զգրնվող եւ չզգրնվող եկեղեցիները կաթոլիկ եկեղեցու մաս կազմող եկեղեցիներից: Այսպիսով, կաթոլիկ եկեղեցին թույլ է տալիս Պապարագի, աստվածաբանության եւ հոգեւոր կյանքի փարբեր ավանդություններ, որոնք սակայն Տոմի եկեղեցուց եւ Տոմի Պապից բաժանված չեն: Այսպեղ ամենամեծ դժվարությունը ուղղափառ եկեղեցիների համար ոչ միայն դավանաբանական փարբերություններն են, այլեւ՝ հռոմեական կաթոլիկ եկեղեցաբանությունը:

գ. Տոմի հետ միության մեջ չզգրնվող եկեղեցիներ

Ինչպես նշեցինք, Վատիկանի Բ Ժողովը ճանաչում է հռոմեական րեղական եւ մաս կազմող եկեղեցիներին կից նաեւ Պապրիարքությունները՝ իբրեւ եկեղեցիներ: Ճանաչվում է առաքելական հաջորդականությունը (successia), եպիսկոպոսական եւ քահանայական աստիճանները, Տաղորդությունը եւ այլն<sup>17</sup>: Այսպիսով՝ հնարավոր է, որ Կաթոլիկ Եկեղեցին մասնակցի այս եկեղեցիների պաշտամունքին: Ըստ կաթոլիկների՝ այս եկեղեցիները կարող են իրենց կառուցվածքը պահպանել եւ միեւնույն ժամանակ Տոմի հետ միության մեջ զգրնվել, իհարկե, միայն այն պարագային, երբ այդ եկեղեցիները վերոհիշյալ իրավունքն ստանան Տոմի Պապից: Թյոնիսսենը նշում է՝ «ամբողջական միություն» (plena communio) հաստատելու համար անհրաժեշտ հետեւյալ քայլերը<sup>18</sup>.

1. Կաթոլիկ միությունը հնարավոր է իրականացնել բաժանված միությունը վերականգնելով:

2. Միության վերականգման պայմանը սեփական կարգի խնդիրը չէ, այլ նրա հանդեպ ցուցաբերված ուշադրությունը:

3. Միության վերականգման հիմնական կորիզը հավատի, պաշտամունքային կյանքի եւ նվիրապետության հարցերում միասնությունն է:

4. Միության վերականգնումը պետք է կայանա աստիճանաբար: Առանց եկեղեցիների միջեւ որեւէ միություն հաստատելու, պետք է մասնակցել միմյանց խորհուրդներին (Խոստո-

16 UR 13:

17 UR 15:

18 Տե՛ս Թյոնիսսենի հոդվածը, ինչպես նաեւ. Silvia Hell und Lothar Lies (Hg.), Papstamt. Hoffnung, Chance, Ergebnis. ökumenische Diskussion in einer globalisierten Welt. Innsbruck 2000, mit Beiträgen von Kard. Kasper, orthodoxen und ev. Bischöfen und Theologen zur Papstfrage:



վանություն, Նաղորդություն եւ Կարգ հիվանդաց): Միեւնոյն ժամանակ պէտք է ունենալ եկեղեցական իշխանության թույլտվությունը:

5. Միությունը վերականգնելու համար անհրաժեշտ է մինչ այժմ չլուծված հարցերի պարզաբանումն ու լուծումը:

դ. Նոռմից բաժանված եկեղեցիներ եւ եկեղեցանման միություններ

Այսպէղ խոսքը եկեղեցիների (անգլիկանների) եւ եկեղեցանման միությունների մասին է, որոնք առաջացել են ռեֆորմացիայի հետեւանքով: Դժվար է ասել, թե այս եկեղեցիներն ու եկեղեցանման միությունները Կաթոլիկ եկեղեցուն որքանով են մոտ կամ հեռու, քանի որ Կաթոլիկ եկեղեցին չունի չափորոշիչներ, որոնցով հնարավոր լինի այս կամ այն եկեղեցու մոտիկ կամ հեռու լինելն ստուգել: Նկատարժան է, սակայն, որ վերոհիշյալ եկեղեցիները կամ եկեղեցանման միություններն իրենց աստվածաբանության եւ եկեղեցաբանության մեջ ունեն բացթողումներ, որոնք ուղղափառ եւ կաթոլիկ եկեղեցիների կողմից անընդունելի են: Այդպիսի բացթողումներից են, օրինակ՝ Առաքելական հաջորդականության (successia) բացակայությունը, ձեռնադրության բացակայությունը, Եկեղեցու Խորհուրդների եւ դավանաբանության ուղղափառ ըմբռնման բացակայությունը եւ այլն:

Փորձը ցույց է տալիս, որ նման դժվարությունների պարագային միջեկեղեցական հարաբերությունների համար ամենաօգտակար մարտավարությունը երկխոսությունն է եւ ոչ թե ընդհանուր՝ բոլորին վերաբերող միասնական դիրքորոշումը: Էկումենիկ շարժման սկզբից մինչեւ այսօր բազում են օրինակները, որոնք գալիս են ապացուցելու երկխոսությամբ համաձայնության հասնելու փաստը:

## 2. Ռահներ – Ֆրիզ ծրագիրը

1983-ին կաթոլիկ հայրնի աստվածաբաններ՝ Կառլ Ռահները եւ Նայնրիխ Ֆրիզը հրապարակում են իրենց «Եկեղեցիների միությունը՝ իրական հնարավորություն» թեզիսները: Նրանք ցանկանում էին պարասխան գտնել այն հարցին, թե արդյոք մոտ ապագայում եկեղեցիների միությունը հնարավոր է: Այդ թեզիսները, որոնք հեղինակները քննարկում են, հետեւյալներն են.

I. Քրիստոնեության հիմնական ճշմարտությունները, այնպես, ինչպես բանաձեւված են Սուրբ Գրքում, Առաքելական եւ Նիկիո Նավաբքի Նանգանակում, ապագա մեկ Եկեղեցու բոլոր անդամ եկեղեցիների համար պարտադիր են:

II. Դրանից այն կողմ գործում է իրական հավատի սկզբունքը. ոչ մի անդամ եկեղեցի իրավունք չունի այլադավան (dissidens) եւ հանգանակարիպ մի բանաձեւ մերժելու, որը մեկ այլ անդամ եկեղեցում պարտադիր դավանաբանություն է համարվում:

III. Տիսուս Քրիստոսի այս մեկ եկեղեցում, որը կազմված է միացյալ եկեղեցիներից (տարածքային անդամ եկեղեցիներ, որոնք կարող են իրենց մինչայժմյան համակարգը պահպանել): Այդ անդամ եկեղեցիները կարող են շարունակել գոյատևել նույն տարածքում, քանի որ սա, ելնելով կաթոլիկ եկեղեցաբանությունից եւ օրինակ Նոռմեական Եկեղեցու պաղեստինյան փորձառությունից, անհնար չէ:



IV. ա) Բոլոր անդամ եկեղեցիները ճանաչում են Տոմի Պապի Պեպրոսական ծառայության իմաստն ու իրավունքը իբրեւ ճշմարտության եւ սիրո մեջ եկեղեցու միության երաշխավոր: բ) Իր կողմից Պապին բացահայտորեն պարտադրվում է անդամ եկեղեցիների ինքնուրույնությունը պայմանավորվածության համաձայն ընդունելու եւ հարգելու: Նա հռչակում է (*jure humano*), որ ինքը, իր բարձրագույն վարդապետական հեղինակությունից (*ex cathedra*), որը Վաթիկանի Ա Ժողովից սկսյալ կաթոլիկ սկզբունքների համաձայն իրեն է պարկանում, այնպես պիտի օգտվի, որ այն իրավաբանորեն կամ նյութապես համապատասխանի ամբողջ եկեղեցու ընդհանուր ժողովին: Նա իր այդ իշխանությունից պիտի օգտվի այնպես, ինչպես որ հռչակվել են նրա մինչայժմյան *ex cathedra* որոշումները, այսինքն, կաթոլիկ եպիսկոպոսաց ամբողջ դասի հետ համաձայնությամբ եւ նրանց հետ անմիջական կապի մեջ գտնվելով:

V. Տին ավանդության համաձայն բոլոր անդամ եկեղեցիների ենթաբաժանման գլուխն են համարվում եպիսկոպոսները: Եպիսկոպոսաց ընտրությունն այդ եկեղեցիներում պարտադիր չէ, որ համապատասխանի ներկայումս Տոմեական Կաթոլիկ Եկեղեցում գործող ձեւին (հռոմեական նոր եկեղեցական իրավունքին նույնպես ծանոթ են եպիսկոպոսաց նշանակման այլ կերպեր, քան միայն Պապի կողմից ազատ ընտրությունը. Կան. 377 • 1):

VI. Անդամ եկեղեցիներն իրենց կյանքի բոլոր ոլորտներում ապրում են փոխադարձ եղբայրական սիրո մեջ, այնպես, որ նախկինում բաժանված եկեղեցիների այժմյան պարմությունը եւ փորձառությունը մյուս անդամ եկեղեցիների կյանքում կարողանան գործնական դառնալ:

VII. Առանց նվիրապետության աստվածաբանական վավերականության վերաբերյալ բաժանված եկեղեցիներում մեկը մյուսի նկատմամբ դեռեւս գոյություն ունեցող դատապարտության կանխորոշման (*praejudicio*) բոլոր անդամ եկեղեցիները պարտավորվում են այսուհետ ձեռնադրության աղոթքով այնպես կարարելու, որ նրա ճանաչումը հռոմեական-կաթոլիկ եկեղեցու համար ոչ մի դժվարություն չառաջացնի:

VIII. Անդամ եկեղեցիների միջեւ փիրում է վարչական եւ պաշտամունքային<sup>19</sup> միություն<sup>20</sup>:

Այս թեզերը կարելի է համարել կաթոլիկյան մի փորձ, որի նպատակն է Լոյենբերգյան միության մոդելը բոլոր եկեղեցիների համար եւ հատկապես Կաթոլիկ Եկեղեցու համար ընդունելի ձեւի բերել: Տոմի Պապի նոր դերի մասին խոսելիս երկու աստվածաբանները ելնում են Տովհաննես Պողոս Բ Պապի «*Ut unum sint*» Կոնդակի բովանդակությունից, որը, ինչպես արդեն ասվեց, դիմելով բոլոր եկեղեցիներին, Պեպրոսի ծառայությունը կարարելու նոր մոտեցման առաջարկներ է պահանջում:

19 Ակնկալվում է պաշտամունքային համամիասնություն (հեղ. դիպ.):

20 Տեքստը գերմաներեն լեզվով է, ներկա թարգմանությունը կարարված է հեղինակի կողմից: *St'u Quaestiones Disputatae* 100. Freiburg 1983, S. 17f; Heinrich Fries, Karl Rahner; *Einigung der Kirchen - reale Möglichkeit*; *Erweiterte Sonderausgabe*; 2. Auflage der Sonderausgabe; Freiburg 1985:



### 3. Մասնակցության մոդելը

Վոլֆգանգ Թյոնիսսենն իր ակնարկի մեջ ներկայացնում է, իր ասելով, կաթոլիկյան մի մոդել<sup>21</sup>: Նա, հիմնվելով Վադիկանի Բ ժողովի վրա, եզրակացնում է, որ առաջին հերթին եկեղեցին Քրիստոսի խորհրդավոր ու րեալիտեի ներկայությունն է, իբրեւ *mysterium*, (խորհուրդ) երկրորդ հերթին, վերածվում է բոլոր մարդկանց Ս. Երրորդության հեպ միության *sacramentum*-ի (խորհրդակապարության) եւ գործիքի: Ասքծո եւ մարդկանց հեպ միությունը նշանակում է մասնակցություն Քրիստոսի խորհրդին: Նարկ է նշել, որ նման գաղափարներ կարելի է հանդիպել նաեւ ուղղափառ ասքվաճաքանության մեջ:

Ուղղափառ քաքավորություն է թողնում նաեւ նրա հաջորդ գաղափարը, որի համաձայն եկեղեցին իբրեւ Քրիստոսի մարմին եւ նրանում՝ հաքկապես Նաղորդությունը, շնորհում են «*Communio*»-ի՝ հաղորդության խորհրդի միջոցով Քրիստոսի մարմնի անդամ լինելը, այնպես որ եկեղեցին. ա) Նաղորդության միություն է նշանակում: Այդ միությունը բ) երեւում է Քրիստոսի հանդեպ ունեցած միասնական հավաքի, Խորհուրդների կաքարման եւ այս երկուսին ենթարկված նվիրապեքության մեջ: Սրանից ելնելով՝ գ) հեքեւում է, որ եկեղեցիների միությունը կայանում է եպիսկոպոսական կազմ ունեցող քեղական եկեղեցիների ընդհանուր միության մեջ: դ) Այն եկեղեցիները, որոնց միջեւ Բանի եւ Խորհրդի միություն է քիրում՝ դրանք միմյանց հանդեպ «մաս եղող եկեղեցիներ» են: ե) Միությունը վերահասքարելու նախապայմանը ներկայումս Նավաքի եւ Քարոզքության, Խորհուրդի եւ Նվիրապեքության մեջ կայացող վարդապեքության քարքերությունների վերացումն է: զ) Ապա ասքիճանաքար հասքարվում է վարչական եւ ծիսական միություն, մինչեւ իսկ միասնական նվիրապեքություն:

### 4. Գնահաքում

Ընդհանուր առմամբ հարկ է նշել, որ կաթոլիկ կողմից առաջարկները թեւեւ բացահայքորեն ասպաշխարության եւ դարձի մոդելը այլեւս չեն գործածում, եւ մի շարք հարցերում պաքրասք են ընդունել այլ եկեղեցիների որոշ քարքերությունները, որոնք սակայն միշք չէ, որ երկրորդական են, ասպա մեկ հարցում, սակայն, կաթոլիկ բոլոր առաջարկները հաքակ են Նոմի Պապի դիրքն ու իքավունքներն ընդհանրական եկեղեցում:

Կաթոլիկ ասքվաճաքանության քեսակեքից եկեղեցիների ոչ մի միություն չի կարող իբրեւ այդպիսին ընդունվել, եթե այդ միությունը քեսանելիորեն միախմբված չլինի Նոմի Քահանայապեքի շուրջ:

### Դ. Ուղղափառ առաջարկներ

Խոսելով ուղղափառ ասքուաճաքանութեան առաջարկների մասին՝ նախ հարկ է նշել, որ այն վերաքերում է Ուղղափառ եկեղեցիների մեծ ընքանիքի կողմից արված առաջարկներին:

21 Wolfgang Thönnissen, *Gemeinschaft durch Teilhabe an Jesus Christus. Ein katholisches Modell für die Einheit der Kirchen*, Freiburg, 1996:



Ինչպես կաթոլիկ, նույնպես եւ ուղղափառ եկեղեցիները մինչեւ 19-րդ դար պնդում էին, որ Եկեղեցիների միությունը կարող է վերականգնվել այն ժամանակ միայն, երբ Եկեղեցուց բաժանվածները իրենց արարքների համար զղջան եւ վերադառնան Մայր եկեղեցու գիրկը: Եթե այս տեսակետին կաթոլիկների մոտ այսօր դժվար է հանդիպել, ապա կարելի է ասել, որ սա դեռ ուղղափառ եկեղեցիներում գոյություն ունեցող մի կարծիք է:

Վերլուծելով ուղղափառների կողմից միջեկեղեցական բանակցությունների ընթացքում մինչ այժմ հայտնաբերված դիրքորոշումներն ու նրանց առաջարկները՝ կարելի է եզրակացնել, որ ուղղափառ աստվածաբանությունն իր մասնակցությունն էկումենիկ շարժման մեջ հասկանում է հետեւյալ կերպ. նա ցանկանում է ոչ ուղղափառ քրիստոնյաներին ներկայացնել իր ավանդության մեջ պահպանված առաքելական գանձը եւ նրա վկայությամբ բաժանված եկեղեցիներին տանել հավատի մեջ միության, այնպես, ինչպես որ այդ հավատքը վկայել են առաքյալներն ու եկեղեցու Նալերը, եւ ինչպես որ նա պահպանվել է Ուղղափառ Եկեղեցում:

Այսպիսով՝ Ուղղափառ եկեղեցիների մասնակցությունը միջեկեղեցական բանակցություններում ըմբռնվում է իբրեւ եկեղեցու քարոզչության առաքելության շարունակությունը եւ ոչ թե «դավաճանություն ուղղափառ հավատքի հանդեպ», ինչպես որ պնդում են որոշ ծայրահեղականներ<sup>22</sup>:

Ուղղափառ աստվածաբանության առաջարկը հստակորեն ներկայացված է Մյունխենում՝ 1982թ. «Եկեղեցու եւ Նաղորդության խորհուրդը Սուրբ Երրորդության խորհուրդի լույսի ներքո» փաստաթղթում<sup>23</sup>, ուր ասվում է, թե գոյություն ունի միայն մեկ եկեղեցի, բանի որ Քրիստոս միայն մի մարմին ունի: Տարբեր տեղական եկեղեցիների միեւնույն ինքնությունն ունենալը հնարավոր է միմիայն այն պարագային, երբ նրանք միեւնույն հավատով, միեւնույն հիշատակությունն են կատարում, ճաշակում են միեւնույն մարմինն ու արյունը Նիսուս Քրիստոսի եւ դառնում մարմին Քրիստոսի, որին նրանք մաս կկազմեն արդեն իսկ իրենց մկրտությունից հետո: Եւ չնայած այն բազում Պատարագներ են մատուցվում, սակայն կատարվող խորհուրդը, որին մենք մասնակից ենք դառնում, նույնն է: Միեւնույն ժամանակ փաստաթուղթն ընդգծում է, որ հաղորդվելով Քրիստոսի Մարմնին ու Արյանը՝ հաղորդվողը ոչ թե մաս է ստանում Քրիստոսից, այլ ընդունում է Նրան ամբողջությամբ: Նույնպես եւ ցանկացած տեղական Եկեղեցի, որը համախմբված է իր եպիսկոպոսի շուրջ եւ կատարում է Ս. Նաղորդության խորհուրդը, Քրիստոսի մարմնի միայն մեկ մասը չէ: Տեղական եկեղեցիներում կատարված պատարագները չեն բաժանում եկեղեցին փոքր մասերի, այլ խորհրդավոր կերպով ցույց են տալիս Եկեղեցու եւ այնտեղ կատարվող խորհուրդի միությունը: Ամեն մի տեղական եկեղեցի միեւնույն ժամանակ միասնական սուրբ Եկեղեցին է, որովհետեւ Ս. Նաղորդության միջոցով նա միանում է Քրիստոսին եւ բոլոր այն համայնքներին, որոնք կատարում են Ս. Նաղորդության խորհուրդը:

22 Մանրամասն տե՛ս Մոսկովյան Պատրիարքության Սինոդի սոցիալական հայեցակարգում՝ Orthodoxie Aktuell 4 (2000) H. 9, 21. Beziehung zu den nichtorthodoxen:

23 Տեքստն ամբողջությամբ տե՛ս Gemischte Internationale Kommission den theologischen Dialog zwischen der Römisch-Katholischen Kirche und der Orthodoxen Kirche, Das Geheimnis der Kirche und der Eucharistie im Licht des Geheimnisses der Heiligsten Dreifaltigkeit, München, 1982, in: Dokumente wachsender Übereinkunft (2. Band), 531-541:



Այս կարևոր նշումները կապարելուց հետո հիշյալ փաստաթուղթը անդրադառնում է երկու պայմանների, որոնք ապահովում են Ս. Նաղորդության խորհուրդը կապարող համայնքի միությունն Ընդհանրական Եկեղեցու հետ: Դրանք են մի կողմից Եկեղեցու առաքելականությունը մյուս կողմից՝ տեղական եկեղեցու ճանաչումը այլ եկեղեցիների կողմից, որով էլ հաստատվում է եկեղեցիների ընդհանրականությունը: Պատրիարքության սահմանում գտնվող եկեղեցիների միջև տիրող միությունը էլ միմիանց ճանաչումը հրապարակապետրեն ցույց են տալիս տեղական հոգի վրա եկեղեցիների միջև տիրող հոգևոր միությունը: Սակայն այդ տեղական մեկ եկեղեցու հոգևոր միությունը պետք է իր սահմաններն անցնի, ընդլայնվի ու իր հոգևոր միության մեջ ընդգրկի նաև այլ բույր եկեղեցիների: Այսպիսի ճանաչումը ճշմարիտ է, սակայն այն պարագային, երբ առկա է միություն հավաքելի մեջ, երբ առկա է միության ցանկությունը Սիրո էլ Ծառայության մեջ, ոչ միայն խոսքով, այլ նաև գործով:

Ամփոփելով կարելի է ասել, որ ուղղափառ տեսակետի համաձայն Ս. Նաղորդության միջոցով էլ նրա մեջ, որը կապարվում է էլ եպիսկոպոսի նախագահությամբ, հայտնվում է ամբողջ Ընդհանրական Եկեղեցին՝ իր խորհուրդներով: Նարեան եկեղեցին միեւնույն խորհուրդի միջոցով, Քրիստոսում, Քրիստոսի հետ էլ Նրա միջոցով միեւնույն Ընդհանրական Եկեղեցին է: Իրական միությունը էլ փոխճանաչումը այսպիսով հնարավոր է միայն այն պարագայում, երբ առաջին հերթին ամբողջ եկեղեցին էլ նրա խորհուրդը յուրաքանչյուր տեղական, Ս. Նաղորդության խորհուրդը կապարող, եկեղեցում իրապես հայտնվում է, էլ երբ այս միությունն ու նույնականությունը չնայած տարբեր մշակութային կամ ինչ-ինչ երկրորդական տարբերությունների ակնհայտ է դառնում Ս. Նաղորդության խորհուրդը կապարելու ընթացքում:

## Ե. Վերջաբան

Վերջաբանի փոխարեն ցանկանում եմ մի քանի առաջարկներով ավարտել այս հոդվածը:

1. Նախ պետք է մեր եկեղեցու աստվածաբանության տեսանկյունից ուսումնասիրել մինչ այսօր մեր եկեղեցու էլ այլ եկեղեցիների միջև վարած բանակցությունները, երկխոսություններն ու հանդիպումները: Այստեղ մեր ուշադրությունը կարող ենք կենտրոնացնել երկու ժամանակաշրջանների վրա՝

ա. Նախաեկումենիկ շարժման ժամանակաշրջան (այստեղ պետք է հետազոտվեն միջեկեղեցական բանակցությունները՝ Եկեղեցիների բաժանումից մինչ 20-րդ. դար):

բ. Ներեկումենիկ ժամանակաշրջան (այստեղ պետք է հետազոտվեն միջեկեղեցական բանակցությունները 20-րդ դարից սկսած):

Այս հետազոտությունների նպատակը պետք է լինի Նայ Առաքելական Եկեղեցու վարած միջեկեղեցական բանակցությունների պատմական էլ աստվածաբանական վերլուծությունը: Այսինքն՝ պետք է հստակորեն իմանալ, թե ի՞նչ բանակցություններ էլ երկխոսություններ է վարել մեր եկեղեցին մինչև այսօր, ո՞ր հարցերն են քննարկվել այդ բանակցությունների ընթացքում էլ ի՞նչ արդյունքներ են նրանք տվել: Միեւնույն ժամանակ անհրաժեշտ



է ցույց տալ, թե մինչ այսօր ո՞րն է եղել մեր եկեղեցու դիրքը միջեկեղեցական բանակցություններում եւ եկեղեցիների միության ինչ մոդելներ են առաջարկվել մեր կողմից:

2. Նման ուսումնասիրության արդյունքները պետք է վերլուծվեն եւ գնահատվեն հայ ասարվածաբանների եւ հոգեւորականների կողմից: Մեծ ուշադրություն պետք է դարձվի այն հարցին, թե մեր եկեղեցու բռնած ուղին կամ ուղիները մեզ հետաքրքրող հարցի շուրջ, արդյոք այսօր կիրարկելի՞ են, թե՞ անհրաժեշտություն կա մի նոր ուղի մշակելու կամ մեր համաձայնությունը տալու արդեն առկա որեւիցե մի այլ մոդելի:

Երբ պարզ լինի մեր եկեղեցու ընտրած ուղին, անհրաժեշտ է մշակել որոշ սկզբունքներ, որոնցով կարողանան ղեկավարվել մեր եկեղեցու հոգեւորականներն ու ասարվածաբանները միջեկեղեցական բանակցությունների ընթացքում: Ուխտավորն իր ցանկացած ուխտավայրը ավելի դյուրին կհասնի, եթե ձեռքին քարտեզ ունենա: